

Jangela-erabiltzaileentzako oharra

Ikastolako jantokian erabilpen bakarreko paperezko ahozapien erabilera murrizteko eta hondakinak gutxitzeko, jantokiko erabiltzaileei **oihalezko ahozapia ikaslearen izenarekin** ekartzeko gonbita egiten da. Zapiak ostiraletan etxera eramango dituzte garbitzera eta astelehenean jangelara garbiak itzuliko dituzte. Ekimenean parte hartzera animatzen zaituztegu.



Ikasle-asegurua

Urriko erreziboarekin batera, ikaslearen istripu-aseguruaren kobrantza egingo da. Urteko prezioa **13,40 eurokoa** izango da. Zerbitzu mediku guztiak zentro kontzertatura, hau da, Poliklinika Gipuzkoara joanez emango dira, ez da medikua ikastolara bertaratuko.



Garraio-begiraleen ordezkapenetarako lan-poltsa

UDARREGI Ikastolak, autobus begiraleen ordezkapenetarako lan-poltsa osatu nahi du:
Ezinbesteko baldintza: euskara jakitea.

Lehentasuna izango dute:

- Ikastolako guraso direnek.
- Usurbildarrak direnek.

Lanaren ezaugarriak:

- Ikastolako autobusa hartzen duten ikasleen zaintzarena egin.
- Autobuseko lau bidaietan ikasleen zaintza.
- Lan-ordutegia:
 1. 8:20tik 9:00etara.
 2. 12:30etik 13:00etara.
 3. 13:50etik 14:30era.
 4. 16:30etik 17:00etara.



Lan horretan interesaturik bazaude edo informazio gehiago jaso nahi izanez gero, ikastolara deitu (943-36 12 16 Ikastolako idazkaritza)

Joskintza-tailerra

Haur eta nerabeei zuzendutako 8 saioko joskintza tailerra antolatuko du Hitz-Aho guraso elkarteak.

Ikastaroaren emailea: lone Iruretagoiena moda disenaitzailea

Noiz: ostiral arratsaldeetan ordu eta erdiko saioak (ordutegia zehazteke).

Hasiera data: urriak 28

Prezioa: 20€ ikastaro osoa, materiala barne.

Non: Potxoenean

Adin gomendagarria: 8 urtetik gora

(10 laguneko taldea osatu beharko da ikastaroa aurrera atera dadin. Izena emandako ordenaren arabera onartuko dira ikasleak).

Izen-ematea ondorengo [galdetegia](#) betez egin dezakezue.



Nafarroa Oinez

Urriaren 15ean eta 16an Nafarroa Oinez ospatuko da Tafallan. Bertako ikastolak ekintza desberdinak antolatu ditu. Animatu zaitetze eta bertaratu festaz gozatzeraz!!

[Asteburuko egitaraua](#)

[Urriaren 16ko ibilbidea eta egitaraua](#)

[Nola iritsi eta aparkalekuak](#)

[Tren zerbitzu bereziak](#)



Dagoeneko izena eman daiteke Euskaraldian!

Azaroaren 18tik abenduaren 2ra bitartean ospatuko da Euskaraldiaren hirugarren edizioa Usurbilen, eta herritarrek dagoeneko izena eman dezakete Ahobizi edo Belarriprest gisa. Horretarako, klik egin lotura honetan:

<https://izenematea.euskaraldia.eus/>

Hizkuntza-ohiturak aldatzeko ariketa egiteko prest?

Ahobizi jokaera hautatzen baduzu, 15 egunetan zehar, euskara ulertzen duen orori egingo diozu euskaraz.

Belarriprest jokaera hautatzen baduzu, 15 egunetan zehar, euskaraz zuzentzeko eskatuko diozu hitz egiteko gai denari.

#HitzezEgitekoGaraia #Euskaraldia #Usurbil



Buruntzaldeko 14. Ibilbideen eguna

Urriaren 16an, Buruntzaldeko 14. Ibilbideen Eguna ospatuko da. Hala, Ibilbideen Egunerako, Buruntzaldeko herriek (Andoain, Lasarte-Oria, Urnieta eta Usurbil) lotzen dituzten bideak daude zehaztuta, eta partaideek, bide horiek egin



ditzakete oinez zein horietako batzuk bizikletaz (Andoaindik Lasarte-Oriara, Andoaindik Urnietara eta Lasarte-Oriatik Usurbil eta Aginagara). Buruntzaldeko Ibilbideen eguna, leihaketan oinarritzen ez den jarduera da, eta Buruntzaldeko eskualdeko eta bertako landa-ingurune naturalak ezagutzeko aukera ematen du.

Usurbildik abiatuta ibilbide hauek egin daitezke:

- Aginagako Mapil ingurura, 6,4 km
- Lasarte-Oriara, Santuene eta Zubietan barrena, 2,5 km inguru.
- Urnietara, Lasarte-Oriara barrena, 7 km inguru.
- Andoainera, Andatzan barrena (Ziortzako langa), 15 km inguru.

Urriaren 16an ospatuko da eguna, 8:00etatik 14:00etara, hain zuzen ere. Usurbilgo kontrol eta anoa puntuak, Santuenea auzoan, Zorrotzeko zubiaren parean eta Aginagan, Mapil inguruan izango dira, eta puntu horietan, ibiltariei txartel bana emango zaie, abiatu diren puntua markatuta. Hala, beste herrietako kontrol edo anoa puntuetara iristean, bertako zigilua ere jarriko zaie txarteltxoan. Hori horrela, partaideek bi ibilbide eginez gero, oroigarri moduan eskuoihal bat jasoko dute, salbuespenak honakoak izanik: Andoain-Lasarte-Oria eta Andoain-Usurbil ibilbideak. Azken horietan, soilik ibilbide batekin jaso ahal izango da oroigarria.

Autobus-zerbitzua izango da, abiatutako tokietara itzultzeko:

GELTOKIAK	AGINAGAtik	LASARTE-ORIAtik	ANDOAINdik	URNIETAtik
	Ezpaldi gasolindegia	San Inazio borobilgunea biribilgunean	Goiko plazaren atzealdean	Kosko geltokia
	12:00	12:15	12:30	12:40
	13:00	13:15	13:30	13:40
	14:00	14:15	14:30	14:40 bukaera

LEHEN HEZKUNTZA

Zorriak

LH 1eko ikasle batzuegan zorriak sumatu ditugu.

Norberak bere seme/alabarekin egoera horretan ohikoak diren higiene neurriak hartzea eskatu nahi dizuegu.

NEURRI HORIEK ERAGINKORRAGOAK IZAN DAITEZEN SAIATU DENOK ASTEBURU HONETAN EGITEN TRATAMENDUA



LH 5eko ikasleen irteeraren kobrantza

Urriaren 6an eta 7an Allora egindako irteeraren kobrantza **urriko erreziboarekin batera** egingo da. Inork bi zatitan ordaindu nahiko balu, idazkaritzan jakinarazi beharko du **urriaren 11 baino lehen**.

Hona hemen xehetasunak:

Egonaldia: 50 euro: lo egitea, egun osoko mantenua

Autobusa: 20 euro



LH 4ko ikasleen irteera

Datorren astean, eguraldiak laguntzen badu, 4. mailako ikasleekin Pasaia-Donostia mendi-irteera egiteko asmoa dugu. Eguna eguraldiaren baitan zehaztuko dugu.



DBH

Sexu-heziketa

Sexu-heziketako ikastaroa dela eta, **DBH 1eko eta 3ko gurasoei**, ikasleekin jorratu dena azaltzeko, saio bat eskainiko zaizue gai horren inguruan. Bertan, guraso bezala dituzuen kezkak aditu bati azaldu edota galdetzeko aukera ere izango duzue.

Data: urriak 13, osteguna

Ordua: 17:00etatik 19:00etara (gutxi gorabehera)

Lekua: DBHko eraikina

